

BENEDICENTE TRIADE!

INTERPRES
ORACULORUM DEI
SIVE
LINGVA PRIMIGENIA,
DISSERTATIONE HEBRÆO-PHILOLOGICA
AD UMBRATA,
Quam
Amplissimi COLLEGII PHILOSOPHICI Consensu & Suffragio
In illustri & inclyto, ad Auram Lycéo,
Sub
TUTELA & MODERAMINE
VIRI PRAECLARISSIMI
M. SIMONIS PAULINI,

Orientalium Lingvarum Professoris Ordinarii, Præceptoris
& Promotoris sui pio zelo devenerandi & colendi,
Liberalis Speciminis ergo, castè & modestè philosophantium arbitrio
examinandam sstit.

PETRUS P. von HVBZM/
Holmensis.

In Diatribe Maximâ

Anno Restauratæ per CHRISTUM salutis M. DC. LXXXIX,
ad diem 1. Junii,

C A B O Æ

Impr. apud JOHANNEM LAURENTII WALLIUM,
Regiæ Univ. ibid. Typogr.

MAGNÆ IN REGEM FIDEI
*Eruditione, Virtute & officiorum meritio
 Celeberrime, & Amplissime*

DN. ERICE FALANDER,

Hac tempestate, in famoso & splendido Aboënsium
 Synedrio Adsestor gravissime & justissime, Inspector,
 Patron & Mecœnas, obsequio & officiis æter-
 nis æviternum suspiciende.



primo illo temporis momento, quo venerabili Tuo adspe-
 ctu, *Mecœnas Magne*, mihi frui licuit, ad horam usq; præ-
 sentem tam infinitis memet cumulasti beneficiis, ut quo-
 nam verborum elogio ea deprædicem atq; extollam, vix & ne
 vix quidem sciam. Etenim, ne prima ineuntis ætatis inconstans & volu-
 bilis adolescentia ad varia vitiorum devia deflesteret, saluberrimis in verâ
 virtutis viâ me servasti monitis; ne studia directione fidâ & methodo com-
 modâ destituta jacerent, Præceptores subministrasti fidelissimos, semitamq;
 ad arduum doctrinæ callem monstrasti facilimam; ne opera & actiones
 sine eerta susciperentur lege, sana, in meum commodum ex maturo ju-
 dicio & longâ actorum cognitione adhibuisti consilia; ne opis, indigus
 aliorum anxie solicitarem auxilium, asylum Temet mihi præbuisti tu-
 tissimum, ad quod occasione quavis sine loci & temporis discrimine re-
 fugere confidenter potui. Adeo ut post Deum alter fete genitor mihi
 existenteris. Nam quod germanus Parens severâ præstiterit, vel præsta-

re potuit castigatione, hoc Tu assiduis admonitionibus; quod ille amore, Tu fide; quod ille præceptis Tu cō filio; quod ille exemplo, Tu gravitate; quod ille sumptibus, Tu perpetuā & indefessā vigilantiā, curā, opere. Essent igitur pro his & aliis infinitis (quæ sacro satius involvo silentio, quam insufficienti enumerare adnitor catalogo) infinita referenda gratiarum thura: Essent offerenda pretiosa & splendida munera: Sed, quod doleo & dolent beneficiorum tributarii omnes, cum Sene-
cā fateri aperte cogor: *Fortunam mibi nihil tribuisse quo dignam re-
ferre gratiam possem.* Nihilosecius agere quodammodo tentabo, cum
referre neutquam valeam idque magis cogitatione & corde quam i-
pso ore & opere. Studebo præterea quorundam florū mores imi-
tari, quibus magnus mundi oculus Phœbus colores aureos aureis
aspergit radiis; nam quemadmodum illi ejus aspectui semper dire-
cte exponi, ad ejus motum se protinus versare, formæ & decoris sui
fontem perpetuo respicere, & in accepti beneficii memoriam, gra-
tos grato halitu & suavi fragrantia sele exhibere dicuntur: Ita &
meum erit non semel atque iterum sed indesinenter usque dum vi-
xero non solum corporis sed & mentis lumine Te, *Patrone propen-
sissime*, præeuntem comitari, Tuam integratatem contemplari, Tuos
mores venerari, Tuas dotes celebrare, Tuo ductui obsequi & Tibi
meos profectus vitæq; felicitatem quâ maximam partem unice acce-
ptam ferre. In præsens autem obnoxie peto, ut eâ quâ es benigni-
tate, quo polles favore, *Fautor Benignissime*, primas has Academis
corum laborum primitias excipere digneris. Placeant Tibi exiles
hi & tenues ingenii mei fructus, utut floribus non abundant, gem-
mis non fulgeant, coloribus non radient. Fac sentiat dissertationu-
cula hæc, si apud nullum alium apud Te saltem, plausibilem placidamq;
censuram. Nam uni & præprimis Tibi, *Promotor devenerande*, placere
semper studui, ne nemini placetrem, placere omnibus si vellem. Interea
Tibi & Tuis stabile corporis robur, optatissima fortunarum incremen-
ta, sera Pylii tempora, integrum incolomitatem & longum ac felix va-
lere adprecor, quamdiu his in terris superstitem me voluerit Divina
clementia, qui sum & ad cineres maneo

IHES MAGNE MECOENAS

devotissimus & humillimus cliens:

PETRUS P. von Husum.

Integritate, prudentia & fide
maxime conspicue

Doctrinâ, moribus & industria
spectabilis

DN. PETRE P.
von Husum/

In urbe Metropolitanâ Sue-
ciæ Holmensi, inter primos,
Civis & Negotiator soler-
tissime, Pater indulgentissi-
me, facro cordis affectu &
jugi observantiâ jugiter
prosequende.

DN. OLAE
RHEZELI.

In Aboënsi Curiâ Secretarii
& Notarii charactere &
functione commendabilis,
Evergeta singularis, a-
mice in pau-
cis.

Thorum perversam vitam & execrando mores
angue pejus & cane semper odio habui, qui ad A-
cademicam societatem delati, in barabro vitio-
rum, in scortorum gremiis, in poculorum fundo delitescere,
mergi, sepeliri & requiescere satagunt; quique in ven-
tris sagina & abdominalis cura dies noctesque occupari &
dona ingenii penitus defodere gestiunt, persuasi, nescio
a quo, nihil ultra pedem sapere, amictum & vultum osci-
tantibus obtrudi & munus atque officium ingruentibus
annis solo argento & vacuo administrari posse cerebelloz
quibus sanc præter Divinam vindictam & publicum de-
risum debetur nihil. Adolescentis vero haud degeneris

in eo consistere sensi officium, ut pietatem quam maxime
seletetur, virtutem colat, moribus studeat, omniumque desi-
derio, quantum possit satisfaciat. Et proinde debitum
egomet meum, quo Vobis Honorande Pater, Colende
Fautor, obstrictus sum, mihi ob oculos ponens, cum
hac denus meæ Musæ prorsus siluere jam vero in publi-
cum prodire tentarunt, non potui non quin factum ea-
rum quem enixa sunt, Vobis forendum traderem & has
qualescunque studiorum meorum fruges Vestris nominin-
bus dicarem. Nam Vos non tantum serena fronte hac
grati animi indicia excepturos, verum etiam pios hosce
conatus adprobaturos certo certius confido. Et persuasum
mihi babeo, Vos, non tam ad oblatum donum quam
ipsam dantis propensam voluntatem & intimum de Vobis
bene merendi desiderium respicere & velle & debere;
Præsertim cum sciatis me Vestram valetudinem scrips
precibus DEO commendare & felicitatem omni voto su-
periorem Vobis adprecari decrevisse, ut bac ratione dignè
esse possum ad ultima fata

VESTER
Venerande Parens
Honorande Evergeta

Obsequentissimus filius
&
ad officia paratissimus
PETRUS P. von Husum/
Auct. & Resp.

Ad
JUVENEM
Eruditione & Moribus
Præstantissimum
**Dn. PETRUM P. von Husum/
DE LINGVA PRIMIGENIA**



Ramina dum profert florentia tem-
pore campus
Vernali, gaudent vivida cuncta
simul.

Lætior ast animus sacras qvi noscere lingvas
Perdidicit doctè, sedulitate pià,
Corniger has mundo Moses præscripsit in ævum
Qyas discant Juvenes, quas doceantq; Senes.
Macte! tuas mi PETRE moras laudare decentèr
Sustineo graviter, singula fausta precor,

L. Mq. scripsit.

**ELIAS Eil. Landz/
Med. Doct. & Prof.**

Pereximie Domine RESPONDENS.

Vnde grandia sunt membrorum in corpore nostro officia. Caput cogitationum arx est; oculi vident; aures audiunt; nasus odores discernit; diffuse membranulae pulsuras subtilli sensatione discriminant: Pulmones refrigerio temperant caloris impetum: Cor vitæ basis, conceptuum semina format. Hepar & lien caloris fons ventriculum ambiunt, cui mox subflunt viscera, convoluta in gyrum, cum cæteris naturæ miraculis: carnes, ossa, musculi, venæ, arteriæ, ligamenta & artus suis funguntur numeribus in conservanda universa machina. Quarum singularum partium cum plus quam immensa sint Elogia: fallor tamen an non linguae laudes & encomia superant, tum quidquid speciosum in homine invenitur; tum quidquid elegans & notabile, vasto ambitu concludit mundus. Lucent sidera, boant venti, germinant campi, undulant aquæ, ardet ignis, parturit infinitas rerum species tellus. Quis nunc tanta Divinitatis magnalia exponeret? si lingua destitueremur. Hæc sola, post communicata cum intellectu consilia, Dei laudes promulgat; æternitatis mysteria revelat; regum negotia evolvit; gentium salutem promovet; adeoque quidquid est latens in intellectu, profundum in iudicio, amplius in memoria effert, communicat, docet. Pavet animus quotiens cogitat, quot linguis loquitur Europa, Asia, Africa, America, tum gentes numero infinitæ per insulas dispersæ! & rursus quam variat quilibet sermo in dialecto, Idiomate, phrasè, charactere, pronunciatione. Antiquissimam esse Hebræam, docet cum eruditis Athanasius Kircherus in Atlante *πληγλώτιον*. Qua, cum consignata sint veteris testamenti oracula, recte faciunt qui huic solidè & fundamentaliter incumbunt. Laudo proinde tuos ô optime juvenum! conatus, & labores indefessos; quibus Te habilem facis ad portanda Religionis & doctrinarum onera; cum quibus, si in posterum ut hactenus conjungis bene vivendi leges, votorum summaam feliciter consequutus es: Vale.

adposuit Tunc

DANIEL ACHRELIUS.

Ad

destituor, quia pingue requirunt solum. Ita in stilo simplicitatem adhibeo cum grata perspicuitate conjunctam. Sacrilegium quippe mihi visum est obscuris involvere tricis illam linguam quæ in se ē. Sua natura clàrissima omni caret obscuritate. Solennem diuque receptum ab ὀρομαλογοιᾳ & περιγμαλογοιᾳ inchoandi morem, hic non observatum, minime mireris, non enim studio novatitudini, sed materia habitu compulsus, id feci, ut nihil de vocabulis inscriptionis dicam, quæ adeo clara sunt atque perspicua ut scrupulum parere nemini possint, sed primo intuitu cuivis pateant. Itaque si in hisce studiorum meorum primitiis ab aliis dextre allata minus feliciter produxerim & quæ a me apposita sunt tuo palato minus arriserint, æquitatem Tuam Lector Candide, quam nemini ad virtutis metam serio tendenti denegare solitus es, enixe exposco. Nam nemo unquam memoria & ingenio tantum valuit ut cuncta ex aſſe aſſequi potuerit; quin & ipſe probè nosti perfedum quid, ab imperfetto, in imperfectione mundana fruſtra exspectari. Condonandum omnino aliquid erit meæ atati, aliquid temporis brevitati, aliquid tandem curtae ſuppelleſili: tum quoqve aliquid fuit Tibi relinquendum ex quo de majori Tua eruditione Tibi gratulari posſes. Verbo, omnia sincero & maturo Tuō judicio ſubiecta volo qui in arduis & non ſatis accurate exprefſis Tuam informationem & illustrationem expeto, Qvod ſuperest, vitam & actiones omnes, Tu una mecum, ad decen-tem pietatis normam & Aliissimi gloriam contempera, a quo omnis cognitio omnisque perfectio unice expetenda eſt.

SECTIO PRIMA ΘΕΤΙΚΗ

MEMBRUM PRIMUM,

*Generalia quedam de primi seculi felicitate prefatur & aditum quasi,
ad ea que præsens tractatiuncula sistere debet, parat.*

§. I.



Am cunctis fere mortalibus congenitam esse insolentiam, velaniam & cæcitatem, ut ante sua non intelligent bona sentiantq; commoda, quam fœdâ oscitantiâ & turpi incogitantiâ ea amiserunt, quæ paulo ante in sua potestate habuerunt, cum ORATORE omnes omnium temporum testantur annales. Nam quemadmodum sues in densis oberrantes quereretis, dejecetas aquilone glandes ad satietatem usq; baud raro deglutiunt & tamen ne semel quidem oculos tollunt, ipsamq; arborem suspiciunt, que ipsis tam gratum prabuit cibum, tam largas apposuit dapes, tam nobile suppeditavit nutrimentum: Ita homines plurimi, in quos immensa beneficia indies cumulat & pleno quasi sinu effundit divina bonitas, ad Æthereas sedes vel raro vel nunquam segnia sua dirigunt lumina, ne dicam cogitationes; sed benignissimi Ev-
ergetæ execranda iplos capit oblivio, cui tamen soli quidquid unquam habuit & adhucdum habet, summo jure accep-
tum fert & ferre debet universa mortalitas. Mitto inpræ-
sentia præsens ævum & antemonarchicam ætatem mihi ob oculos pono. Quæ quæso illâ unquam felicior & ab omni parte magis beata esse potuit? Habuit donum omni dono majus; fruebatur felicitate omnibus mundi thesauris non per mutandâ; nimirum erat cunctis unus sermo & una lingua. Ast boni hujus optimi, pessimi fuere administratores. De illorum luxuriâ nihil loquor, nihil de quæstu & lucro, nihil de morum perversitate, nihil de sceleribus aliis, tantum de insolentiâ dicam. Postquam n. candida pietas & sincera religio nutare & quasi ad

occasum vergeret apud profanos cœperat (qui primus & ultimus ad interitum gradus) consensit cum Nimrodo malignantium turba, & opus tam magnum tamqe excelsum struere decrevit, ut ex summo ejus fastigio in cœlum sese unico passu reciperet. Verum summus rerum arbiter, qui omnia in perpetuo rur intuetur, cernens homines ad suum thronum, quamvis supra omnes cœlos positum, profundissimâ suâ scandere velle stultiâ, obicem objecit ipsis validissimum, dum singulorum lingvas ita miscuit, ut neuter alterius mentem percipere posset, sed tanquam mutisemtipios alloquerentur, unde mox ab impio desistere coacti sunt conatu. Et hinc proh dolor! & nefas tot orta sunt linguarum discrimina & dialectorum genera, quæ absqe summa difficultate nunc non adiscuntur. Ut autem cuivis constet quænam & qualis catholica primi seculi lingua fuerit & quamnam auctoritatem obtinuerit, in sequentibus, iis quibus possumus, ostendere conabimur, rationibus, adjuvante Deo.

MEMBRUM SECUNDUM.

Primi Parentis Adami lingvam evincit fuisse illam quam dicimus pri-migeniam, & simul commentum de pre Adamitis explodit atqe rejecit.

§. I.

Quamprimum ter Optimus terqe Maximus naturæ opifex Deus, prudentiâ ineffabili sapientiâqe incomprehensibili, totum hoc, quidquid vel limpidissimum expansum amplissimo coërcet sinu, vel orbis terrenus vastissimo complectitur ambitu, ex rudi atqe indigestâ chaoticâ massâ produxit: primus ipsi erat labor, cura prima creatarum rerum omnium Epitomæ efformare. Quam ut obtineret, ex rubrâ (ut ajunt) terræ glebâ hominem Adamum rationali anima & corpore organico constantem, compendiosissime simul & artificiosissime effinxit: ut in eo microcosmo macrocosmi exactissimam cerneret ideam, con-

5

contemplareris synopsin. Hunc ratione muniuit, sapientia instruxit, arbitrio libero sanctoq; dotavit. Et quid non? Ab hoc etiam voluit, ut omnem cognitionem, literas, lingvam, sapientiam & scientiam in suum usum addisceret atq; hauriret sequitura posteritas; Quapropter & nos non modo pro lubitu verum etiam jure, primæ linguæ incunabula eidem adsignamus, quem primum omnium mortalium pandectæ sacræ expreſſe faciunt, à quarum cynosurâ ne latum quidem ungvem discedere decrevimus. Isacum Peyrerium Gallum eo audacia & temeritatis processisse notum est, ut gentiles ante Adami tempora per multa secula exſtitiffe minime erubuerit affirmare, juxta quod inculcare necessum ducimus ipsi cum majoribus nostris tam facilem in mendaciis fuisse fidem, ut temere & sine discriminē crediderint, quæcunq; incerta fama in vulgus divulgaverat. Nobis tamen grave non erit ficalnea ejus argumenta, in medium producere & firmis rationibus refellere ac refutare.

S. II. Palmarium quod ipsi videtur ex * cap. Gen. i: 27. profert ubi Spirit. S. per Mosen dicit: *creavit Deus hominem ad imaginem suam, ad imaginem Dei creavit eum: masculum & feminam creavit eos.* Ex quibus verbis preadamitarum creationem elicere tentat, nam Adamum & Eavam postmodum creatos existimat, cum cap. sequenti illorū demum instituatur mentio. Nos vero hoc negamus quum una eademq; creatio utrobiq; indigitetur, nempe quæ in primo cap. *succinctè, in secundo fusim* describitur; accedit à parte nostra quod v. 5: 2. c. affirmat non fuisse hominem ad colendam terram. Quare indubitato sequitur neminem ante creatum Adamum exſtitisse; terra certe antequam fundata erat, hominibus repleta esse non potuit; ut nihil nunc de absurdis, quæ inde etiam sequentur, memorem, quis n. tam feræ ferreæq; mentis esset ut paganos &

* *Ebarius in loco de creatione.*

non Adamum in justitiâ & sanctitate conditos diceret: gentiles & non Adamum benedictionem nactos fuisse.

§. III. Alterum ex dicto Pauli deducit Rom. 5:14. Regnavit mors ab Adam usq; ad Mosen etiam in eos qui non peccarunt in similitudinem prævaricationis Adæ. Sensus autem dicti rectè si explicetur præAdamitas non inferet, qvia mors regnavit non in spiritis illis præAdamitis sed Adamigenis & infantibus Adami, qui in similitudinē prævaricationis Adæ etiam peccarunt ratione originis, & mandatū illud Dei transgressi fuerunt. Hæc fuere Peyerrii somnia, qvæ forte ipse ex Rabbinis hauserat; inventi quippe sunt, qvi urbes quamplurimas ædibus & domibus inclytas ante centies mille annos apud Indos extitisse asseverare ausi sunt, quin & sibi perswasum habuerunt homines quosdam vixisse qui præadamitis quibusdam nomina dedere, inter quos Sombosher Adami præceptor fuisse putatur, si fides adhibenda fabulis.

§. IV. Rationi quoq; suæ admodum indulserunt, qui Adamum & Evam in alio mundo ante hunc creatos opinantur, quod de R. Abbu, R. Jephudâ & Don Ilaak Abravanele testatur Menasse Ben Israël à quâ sententiâ tamen nec ipse multum dissentit dum dicit: * *Cum Cabballista per Gematriam mundum terrestrem velint quovis anno sabbatico seu singulis septem annorum millibus destrui, quis nobis certo indicabit an stemus in primâ revolutione & non in secundâ vel tertiatâ.* Et paulo post: Addunt etiam in eo latere mysterium quod lex à literâ Beth incipiatur, quia ex Hebreorum ratione numerandi Beth valet duo, ita ut ex eorum opinione secundus tum Mundus fuerit. Sed his assensum non præbemus quum tota Kabbala scientia in mendaciis consistat. * Et qui talia ficta mysteria excogitare novit, ille magni sit apud Judeos & pro docto & subili viro habe-

* Pfeifferus in dissertat. de Ling. protop. * Cf. Iand. in Theol. Ac.

habetur, & quo quis plures similes nugas expiscari potest eo doctior et iam astimatur. De cetero mirari satis non possumus eorum impudentiam & plus quam cimmerias ignorantiae tenebras, cum non solum *Hebrai* verum etiam *Arabes, Persae & Turcae* & plurimi orientales alii (qui ceteroquin ad scripturæ veritatem ut noctuæ ad solis lucem caligant) Adamum primum agnoscant hominem: fatente Hottingero & ex illo D.Calovio in bibliis illustratis.

MEMBRUM TERTIUM

Primeva linguae peculiare nomen querit distinctum à nominibus lingvarum à confusione ortarum, & illam rectè quidem ab Ebero Schemi pronepote Hebream denominat.

§. I.

Necessarium duximus in præcedente membro omnium primum linguae catholicae ortum studiosè inquirere; nunc autem propositi ratio & arbitraria nostra methodus exigere videtur, ut absq; prolixis rerum ambagibus, & longo verborum syrmate, indicemus atq; dicamus, quo nomine prima lingua, veniat: quod nobis tantò facilius est, quantò magnorum virorum majoribus nitamur testimentiis. Communis igitur est saniorum historiographorum, aliorumq; doctissimorum Ecclesiæ lumen fere omnium, calculus & sententia primævam sanctam lingvam ab *Hebero* pronepote *Schemi* appellationem traxisse; nam quoniam in familiâ *Heber* communis omnium lingua remansit, divisis per alias lingvas ceteris gentibus, ideo deinceps *Hebræa* nuncupata est. Tunc n. opus erat eam ab aliis linguis proprio nomine distingui sicut aliæ quoq; linguae vocatae sunt nominibus propriis. Quando a. erat una omnium, nihil aliud quam humana lingua vel humana loquutio videbatur, cum eā solâ universum genus humanum loquebatur. Est itaque nomen hoc patronymicum à pro-

proprio mutatum quemadmodum *Josephus* ait. * *Heberus* a quo *Judei Hebrei* quondam appellabantur. Imo ita dicti sunt non tantum ratione originis, sed etiam ratione linguae sancte communis, quam ab *Hebero* conservatam acceperunt & foverunt, teste *Suidā*, in Lexico græco, circa nomen *Hebræorum*.

§. II. Sed dicis: *cur non potius ab Heberi proavo Semo, Semites nominati sunt.* Respondeo cum *D. Osandro*. In *Semi* familiâ totâ lingvam sanctam non fuisse custoditam (quemadmodum indicatur *Gen. 10. v. 31. Iſi sunt filii Semi, secundum familias suas, secundum linguae suas, per terras suas*) sed ab *Hebero* in ipsius posteris, ac propterea potius ab *Hebero* *Hebræos*, quam à *Semo* Semitas fuisse appellatos. Non tamen omnes *Heberi* posteros *Hebræos* vocari affirmamus, nam nullibi legimus filios *Eſau* & *Keturæ* aliosve *Hebræos* vocatos: quia nomen hoc non tantum gentile est, descensum & generationem solummodo naturalem denotans, sed & religionis puræ, quam *Heberus* professus est.

§. III. Non autem videre possumus quâ ratione quidam à nomine *Abrabami* vel *Abre Hebreos* quasi *Abreos* dictos putant. Dicunt quidem literâ *Aleph* in nomine *Abrabami* in *Ajin* mutatam propter sonum ut non vocentur *Abrei* sed *Hebrei*, ut apud veteres, cum non sine difficultate dicerent medidie illud ipsum mutatum sit in meridie. Quod sane non procedit, nam quamvis nos non fugiat illa in linguis orientalibus usitata & solennis regula: *Literæ unius organi facile inter se permuntantur*: tamen hic diversa plane ratio, nam non solum cernitur in principio dictionis mutatio literæ *Aleph* in *Ajin* facilioris in difficiliorem, verum etiam rejectio literæ in fine, quod inusitatum; unde sequeretur eos non vocandos *Abreos* aut *Hebreos* sed vel *Abraeos* aut *Hebrameos*, quâ de re pluribus apud Gomarum.* Manet proinde instar immoti principii linguam primigeniam sanctam ab *Hebero* ita esse dictam. Quæ vero in contrarium

* *Jof. Flav. Ant: Jud. l. i. c. 7.* * *Osand. Theol. Acroam.*

a Hugone Grotio & aliis diversæ sententiae patronis adferuntur non tanti esse momenti ducimus ut illa diluamus. Citant quidē ex S. bibliis cap. Jos. 24. 2. sed istā allegatione nihil probant.

§. IV. Jam sine ulteriori mora Hebræam linguam nostris Protoplæstis omnibusq; ex lumbis eorum prognatis tam ante universalem mundi cataclysmum quam post eundem ad confusione usq; Babylonicam tanquam proprium idioma adsignamus. Ut vero cuivis ad oculum pateat quam firmo assertum nostrum innitatur veritatis talo, tale nobis loco iñoti fundamenti ad manus est ratiocinium. *Quæcunq; lingua omnibus in universum mortalibus ante universale orbis terreni diluvium, & linguarum in turri Babylonicâ confusione nomina dedit, illa antiquitate neminem agnoscit sibi parem; at ex lingua Hebreâ omnia nomina suam acceperæ originem. E. hac sola antiquissima est & dici debet: Majorem sua radiare luce nemo sanæ mentis negabit; nam ante γλωττοσύνην lingua tantum fuit unica, teste infallibili S.S. Gen. xi. i. Quapropter Philastrium cum suo figmento extra Garamantas ablegamus, qui rationi admodum obsequitur dum obtinere vult, magnum linguarum discrimen, ante conditam turrim viguisse, & nihilominus omnes se invicem intellexisse, non ex eorundem vocabulorum usu sed eadem loquentium intelligentia. Reprehensione quoq; dignus censetur Judæorum R. Elieser 70 linguas ante γλωττοσύνην constituens dum in Talm. Hierosolymitano l. Megilah dicit. scriptum est: & fuit tota terra unius labii & eorundem verborum. R. Elieser & R. Jochanan hac de re controvertebant: unus ipsos 70. linguis loquutus affirmabat, alter loquutus fuisse lingua unici (nempe Dei) utpote lingua sancta. Ast nonne impium a scriptura dissentire? Qyomodo hæc sibi unquam constare possunt; terram fuisse unius labii & nihilominus 70 secundum mentem R. Elieser floruisse linguas: verba eadem, & tamen voces discrepantes ex opinione Philastrii. Hinc quidam veritate divini verbi compulsus dixit: *Ego ab hac Philastrii sententiâ tam lon-**

ge absūm, ut putem hæresin esse quod ille docet; nam Scriptura sa-
cra tam aperte dicit unicam tantum fuisse linguam, ut nihil
manifestius dici possit. Assumptum pariter statuminare res
magni negotii non erit. Initium à primo protoplastorum
facimus, cuius nomen ADHAM, non certe ab Edhen secundum
Theodorenum, verum ab ADHAMA, terra rubri sive argil-
lacei coloris, suam sortitur appellationem, quæ à radice A-
DHAM rubuit, ut rete sentiunt Philologi, descendit. Similiter
Eva dicta H H A W A , radicem non admittit à H H I W A an-
nunciavit vel indicavit, quasi inde probetur faminei sexus propri-
um esse confabulari, garrire, plurima effutire & paucissima reticere,
ut lusit Rabbi Jacob Baal Turim; unde etiam illa Rabbinorum sen-
tentia, cuius mentionem Chaskuni instituit: *Decem cabi, seuen men-
suræ colloquiorum, in mundum descenderunt & novem istorum mul-
ieres abstulerunt.* Sed à H H A I A H vixit, siquidem vere erat mater
COL H H A I omnium viventium: dico vere cum summo Ecclesiæ
antistite B. Luthero in aureo com. ad G.c.3.20. repudiamus enim hic
artificem quod dicatur quasi mater morientium, quoniam suo la-
psu una cum peccato, mortem in omnes propagavit homines. Venit
quoq; alio nomine ISCHA virago, quia tota mulier ex ISCH
viro Adamo (observante Grotio) deducta est. KAJIN sic appellata
dicente Eva K A N I T H I possedi virum Jehovam: i. e.
ut Schmidius bene monuit. Vocavit Eva filium KAJIN tantum boni
omini causâ, non quod ipsum pro Messia haberet, sed quod dum cumpa-
reret in animo haberet & fide possideret verum Messiam in plenitudine
temporis nasciturum. Quid si dixerit inquit, Matrem E�am, cum fe-
liciter enixa esset filium suum primogenitum, recordatam Messie, sibi &
marito promissi, qui futurus esset vir Jehova, Ideo & p̄w̄t̄, recorda-
tam esse, quod est illum in carne non videret, possidere tamen in verâ
fide: confilium itaq; cepisse ejusmodi, ut filio suo recens nato, nomen im-
poneret, quod perpetuum esset fidei sua testimonium ideoq; vocasse eum
KAJIN i. e. Dominus possessio mea, q. d. Ego scio me vera fide jam pos-
sidere alium aliquem masculum, ipsum sc. Jehovam, seu quod sit ipse
Jehova,

Jehova, non tam infirmus puer, ut filius meus est recens natus; bujus vi-
ri Jehova & fidei mee in perpetuum monumentum volo esse nomen filii
mei eumq; vocari KAIIN Dominus possessio mea Vide etiam,
hac de re docte & nervose differentem Beatæ memoriae Doct.
incomparabilem ENEVALD SVENONIUM in LYT. JESU. p. 288. Si-
cut Moses etiam suum filium Eliezer vocavit h. e. Deus auxi-
lium meum, non quod putaret filium Deum esse auxilium su-
um, sed quia eum esse monumentum fidei suæ in Deum vo-
luit, hæc autem quasi *ex nupedo*. Nominis Seth rationem ipsa ex-
plicuit Eva ubi ait, SCHATH reposuit mihi semen aliud Deus
pro Habele. Eundem in modum Peleg à PILLEGH quia ipsi-
us diebus dividebatur orbis. Ita ut recte dixerit Meisnerus
etyma omnium nominum priorum ante diluvium, & post, usq; ad
divisionem linguarum non posse ulli alii linguae tribui, uti nec
quibus Moses utitur post illud tempus, quam Hebraice. Cum igi-
tur hac ratione modo recensitas nominum originationes tam
dextrè apposité atq; disertè ab ipso Spiritu Sancto adhibitas,
impositas, & explicatas fuisse declaravimus, quid aliud feci-
mus, quam sanctæ linguæ antiquitatem asseruimus & investi-
gavimus? Facile quoq; esset hic quorundam Populorum, nec
non Idolorum nomina cumulare, quomodo Jones à Javan, à
Madai Medi, Japhetus à JAPHT, Vulcanus à TUBHAL KAJN appella-
tionem accepere, quæ originem Hebræam recipiunt, & in
aliis linguis nihil significant; verum cum priora ad stabilien-
dam nostram thesin sufficere videantur, prolixo eorū catalo-
go recensendo supersedemus, & uno vel altero verbo tacta,
magis curiosis expendenda relinquimus.

§. V. Infurgit autem nobis ingens adversariorum co-
hors, & jactam nostræ assertionis basin cuniculis falsæ hypo-
theses evertere annititur; si itaq; necessario destituti essemus
præsidio actum certe de nobis esset; verum parata sunt no-
bis tela quibus nos defendamus; in promptu sunt ratio-

nes quibus eorum commenta diluamus. Est Hugo Grotius, qui dicere non veretur Hagiographū Mosen allata nominum *ειρωνεα* non ex primæva lingua deduxisse, verum ex Ebræo Idiomate transformasse, ita tamen ut eandem retinuerint vim & significationem in hac quam in prima habuerunt. Sed quis hanc illationem probet, cum ultiro fatendum sit illam principium petere, dum incertum & falsum per æque incertum & falsum stabiliat. Deinde absurdum prorsus nomina propria in alium sermonem translata esse, cum ea in omnibus linguis maneant immutabilia. Quod etiam innuit *Flavius Josephus* hisce verbis. *Adamus certe nobis Adam vocatur & Noachus Noë eaq[ue] forma nullam variationem admettit,* Ubi ergo talis mutatio occurrit, tribuenda est perversitati Historicorum, non autem pro vero arripienda. Nemini n. historicorum licitum est vel unicum nomen proprium ad nutum suum variare, ait Waltonus. Et quæ *ειρωνεα* in his translationibus, si prot textuali, *Adam ex Eva genuit Habel;* quia *Adam* denotat hominem, *Eva* matrem viventium, *Abel* aut vanitatem aut vaporem, aut nihil, quis tædiosam hanc *ειρωνεαν* adhiberet: *Homo ex matre viventium genuit vanitatem, vel vaporem vel nihil.* Sic si pro: Congressus est Abraham cum Hagara, diceretur, congressus est pater multorum exc: cum peregrina vel ruminante vel fugitiva. Siquidem Abraham significat patrem multorum & Hagar peregrinam, ruminantem vel fugitivam. Sic pro; Amavit Isaac Esavum, Rebecca Jacobum, quis diceret: amavit ridens rufum, taginata supplantantem; aliaq[ue] numero plura quæ in hujus rei illustrationem adferri possent, si instituti ratio nobis habenda non esset. Dicimus tantum, maxime impium esse affricare Mosi quæ ipsi ne semel quidem in mentem venerunt. Et posito, quod tamen non concedimus, ipsum ista nomina ex proprio cerebro depropmsisse, neutquam sane hanc gloriam & hanc dignitatem sibi derogari & Patriarchis tribui passus fuisset, quos

quos nihilominus horum primos auctores constituit. Nomina ergo propria incorrupta & invariata Moses cum aliis Hagiographis emphasis causa servare voluit, quæ tanta non est, vel esse potest in linguis aliis omnibus.

§. VI. Verum ne in primo conflictu nobis vietas offerant manus antagonistæ, oblique & a latere nosmet feriunt, concedentes sc. ex parte quæ modo statuimus, sed juxta affirman tes nomina ista propria eorumq; origines ex aliis quoq; linguis commodissimè peti, sequuti Myricæum temere satis dicentem: *Quod nomina illa antiquissima attinet, vera illa Syra sunt optimamq; in hac explicationem & interpretationem habent.* Nostra a. sententia hæc est, quod quemadmodum nullam plane nominum derivationem in aliis linguis dari pertinaciter non negamus; ita singula ex alia quadam absolute deduci, haud quaquam asseveramus. Nam Isch Chaldaice GABRE & ISCHA Chald. ITTETA vocatur. Sic SCHUTH, unde nomen Sethi, non significat Chaldaice ponere, verum pro eo habent SCHAVE. Præterea nomina in aliis linguis non ita à se invicem derivari possunt: quod fatis patet in voce ISCHA quæ ita vocatur quoniam ab ISCHI viro sumpta est. Sed CHALDAICUM ITTETA non potest dici à GABHRA, nec GABHRETA, significat fæminam. Sic in Germanica sive teutonica frustra etiam quæras talem inter voces convenientiam. exempl. g. inter voc. Wian & Frau sive Weib/ si vero niānnin adfers, dicimus illam sapere Hebraismum, quæ ceteroquin in quotidiana conversatione & communi loquendi modo non adhibetur. Eadem ratio est de Gallicis Homme & Femme Ital. Huomo & Femina Hisp. Varon & Muger. Græc. ἄντη & γυναῖκες sive θῆλυ (ἀρδπις à symmacho fictum est) Arab. Rasjulon & Entia. Persic: Nær vel Merd & Sen vel Madeh. Grænland. Petting & Kona Lat. Vir & Fæmina (inusitatum Vira) suet. Man & Hustru sive Qivinna Finnon. Mies & Waimo. Et licet in quibusdam Hebraismus videatur imitabilis,

tamen verum est & manet, quævis in quavis lingua non posse exprimi. Nauseam vero præ ceteris, movet Goropius Becanus cordatis omnibus, qui ea nomina eaq; vocabula quorum originem Sacer Codex manifeste tradit, ex idiomate materno Belgico deducere tentat. Adam quippe, qui ab Adama appellationem nactus est, ipsi quasi Haat, dæni vocatur, id est, agger odio subjectus. Ita Babel à rad. BALAL miscuit confudit ipsi à Babbela derivatur. Ita Eva ipsi Ew. bat seculi vas Abel q. Haat. belg. odium belli. Kajn q. Qwaat. Einde malus finis. Methusala q. mast ju salig. salva te. Sem i. e. Semus deces, Cham q. Qwaat. ampt i. e. malus magistratus. Noach q. nootacht i. e. curans necessitatem. Nimrod q. nimble brod id est, raptor panis, & quæ sunt reliqua ficta ludibria & meræ allusiones quæ eadem operâ qua recitantur improbantur & rejiciuntur.

§. VII. Cum jam duobus telis se nihil effecisse experientur, unicum adhucdum in medium profilire faciunt telum, priusquam plane animum despondeant; & cum nullum aliud ipsis restet effugium, sanctam linguam insufficientæ & imperfectionis arguunt & integrati ejus, quantum possunt, detrahunt, dum quædam ex illa explicari non posse existimant, in cuius erroris stabilimentum Gen. c. 9. v. 27. allegant IAPHT jephèt, dilatet Dominus japhetum. Operose se macerant in conquirendis probationibus Jepheth significationem dilatandi hoc in loco non admittere: cum PATHAH ē qua Jepheth, non apud Hæbræos sed Chaldæos tale quid significet. Ast si vel in sensu magis famoso reddatur Alliciet, vitio tamen carere potest versio. Alliciet Dominus japhetum id est, ut Tremellius se explicat; erit tandem ut virtute spiritus Dei, posteritas Japheti, alliciatur ad Dei ejusdem cultum cum posteritate Schemi, & genites Israëlitis cooptentur. Verum nihil obstat quo minus Jepheth per dilectare explicemus, & inter Hæbræas vocum radices ipsi

ipsi locum assignemus, * vox enim sive tempus in Hiphil unde Jephèt, in S. Hebræa non recurrat, sed in Chaldaismo Aphel ejusdem radicis significat *dilatavit*. Cui ceu filiæ primogenitæ Hebræa hoc concessit, atq; adeo inde suo jure repertit. Accedit quod in sacro codice sæpius voces tantum semel adhibitas invenire est, quæ nihilo secius ex iis exterminandæ non sunt. Maxime ergo hac in parte ad verba Mayperi attendere oportet. Noach Chaldaico Idiomate usus non,, est, sed Chaldæi post confusionem linguarum, hanc significatio,, nem (dilatandi) paulo rariorem , ex Hebræo in suum tra,, duxerunt Idioma, eâq; frequentissimè usi fuerunt, ut jam vi,, deatur magis Aramæa quam Hebræa esse.

M E M B R U M Q U A R T U M .

Hebræam linguam vere primigeniam cataclysmo eripit, & in γλωττούγα κύστιν à consortio architectorum turris Babylonica arcet.

§. I.

Mirabilis & plane stupenda stupendi Creatoris circa res creatas & dona mortalibus gratis concessa, cura & singularis providentia si unquā sese manifestavit, certe factum est in illo universalis mundi cataclysmo, ubi, mirabile dictu, octo tantum primi seculi homines arcâ Noachi receptos contra imbrivim, tempestatum rabiem, & fluctuum furorem servavit & vivos retinuit, non solum ut orbis renovatus suis gauderet incolis, verum etiam ut sancta illa Hebræa lingua, in statu integratatis primo homini data, apud posteros etiam de perennitate triumpharet, in protoplastrorum memoriam & sui nominis sempiternam gloriam. Nec certe minor emicuit Divinitæ bonitatis radius, favoris sydus, clementiæ Sol, cum profundissimâ linguarum confusione maxima pars hominum dissiparetur & Hebræa lingua nihilominus inter Semi nepotes

falsa

* Pfeifferus in Dub. Venat. p. 178.

salva puraç maneret. Noachum quippe tempore confusio-
nis linguarum adhuc superstitem fuisse hinc colligere licet,
quod 350. annis post diluvium vixerit. Et si jam supputatio-
nem Judæorum in Seder Olam sequeremur qui à cataclymso
ad γλωττούγχυσιν 340 annos numerant, Noachus non solum
architectorum turris Babel coætaneus esset, verum etiam 10.
annos post confusionem adhuc in vivis fuisset. Verum cum
tanta fides Judæorum calculo non sit adhibenda, rectius statu-
itur cum Gerhardo & aliis, * γλωττούγχυσιν anno post dilu-
vium 170. anno ætatis Peleg 70. contigisse; unde Noacho
180 anni post confusionem tribuuntur. Difficultate autem
non caret sententia illorum qui γλωττούγχυσιν anno à Diluvio
101. ortam arbitrantur, quæ hoc pacto in primum ætatis Pha-
legi annum incidisset. Pelegum à sua statim conceptione il-
lo nomine insignitum equidem non inficiamus, sed non eum
præcise in finem ut confusio linguarum & gentium illud sub-
sequeretur, quamvis accrescente illius ætate, cum linguas
confudisset Jehova, parens inde ormen sumpserit, quod deinde
pluribus etiam innotuit. Ut ad imitationem Esavi de Jacobo
dicentis, verè vocatur Jacob quia bis me supplavit; de i-
psa dici potuit, vere nominatus est Peleg quia in diebus e-
jus facta est confusio. Utut hæc se habeant, relictæ Chro-
nologis Chronologica lite in dubium vocari non potest, Noa-
chum post confusionem vixisse. Et cum hæc in se tam clara
sint, futile & frivolum sane est opinari Noachum, pietatis &
justitiæ illud singulare exemplum Chamitis & fæci Nimrodi
auxiliatrices porrexisse manus, & sanctissimam linguam pa-
sam fuisse aliquod deliquium. ** Nam Noachus cum sua
linea descendente & pia familia, quæ quasi peculium Dei sola
erat: nec consilio nec auxilio turris Babylonicae structuram

* Gerhard. ad c. XI. Gen.

pro-
** Leusden Phil. Sac.
p. 228.

promovit vel promovere voluit. Et dicit August: *Cum queritur in divisione linguarum ubi lingua illa remanere potuit, qua ante communis fuit, quia sine ulla dubitatione, ubi remansit, non ibi fuit pœna illa, quæ facta est mutatione linguarū.* Quid aliud occurrit, nisi quod in hujus gente remanserit à cuius nomine nomen acceperit, & hoc justitiæ gentis hujus non parvū apparuit vestigiū, quod cū aliæ gentes plecentur mutatione linguarū, ad istā non pervenit tale suppliciū.

§. II. Aures ergo Hugoni Grotio occludimus qui tam perversam de lingua primævâ sovet sententiam, ut eam tandem nullam constituat & sine ullâ probabili ratione proberet tantum reliquias ejus in ceteris adhucdum occurrere. Summa ejus discursus huc redit; Lingua Hebræa, est lingua advenarum. *Origo enim nominis Hebræorum hec est non vero ab Hebero.* Lingua igitur illa Hebreæ, Abrahami & ejus posterorum incolatu in Cananæa, ad Cananæam semper propius propiusque accessit, nec à Punica differt, nisi dialecti quibusdam proprietatibus, ut à viris eruditissimis ostensum est. Quare verius primævam linguam, nullibi puram existare, sed reliquias ejus in linguis omnibus esse. Si ergo sola verba & Viri auctoritas ad faciendam nobis fidem sufficerent, nihil obstaret quo minus pedibus, quod ajunt, in ejus sententiam iremus. Verum destituitur Grotius rationibus & suâ jactantiâ nihil infert nedum ponit: nam videre non possumus quomodo ex cap. Jos. 24: 2, 3. ēruor Hebræorum deducere velit aut possit, siquidem de Iſraēlitis solum ibi instituatur sermo, ut taceamus præterea derivationem ab ABHAR allusionem involvere & nomen hoc Hebræis longè ante Abrahami tempora inditum fuisse, florente Hebero Se- mi pronepote, ut prius luculenter ostensum.

§. III. Quod vero afferit Hebreæam indies ad Cananæam inclinasse & sic per consequens paulo post ab ea corruptam esse, nullo modo probare potest, si vel sibi in subsidium vocet Elaiam qui c. 19, 18. ipsam Cananæam appellat: non enim ibi dicitur ipsam genti Cananææ fuisse vernaculam, sed tan-

tum in terrâ Cananæâ eam usitatam fore, cum ea ab Hebræis occupata esset. De cetero concedimus quidem Punicam Hebrææ affinem esse, non vero propterea tam arctam inter eas consanguinitatem admittimus, ut hæc ad modum dialecti leviter solum ab eâ discrepet. Affinitatem inter Ebræam, Chaldaicam, Syriacam, Arabicam, Æthiopicam &c. quoq; agnoscimus, nec ideo has illius dialectos facimus voce dialecti proprie strictèq; accepta.

§. IV. Stant insuper à parte nostra haud ex infima sponda Ecclesiæ Patres, qui Hebræam Punicam & Syriacam distinctas agnoscunt linguas, non vero dialecti quibusdam proprietatibus tantum inter se differre volunt. Annon propterea absurdum est dicere Abrahamum suam vernaculaam abdicasse & Cananæam addidicisse. *Quis enim non videt ait Fullerus, naturalis linguae communitas cum Cananæis, quantum offendiculum, quam exitiosum in Idololatriam præcipitum fuisse Israëlitia. Quam obrem qui vel ipsius sepulture cum gentibus Idololatrii consortium penitus abnuit, eomagis universum sermonis commercium haud dubie respuisset, quo plus hoc quam illud pierati nocere potuisset.* Et num quis luculentius documentum desiderat discriminis inter Hebræam & Punicam, quam illud Divi Augustini, qui quamvis hujus fuerit peritissimus tamen dicere suevit: *ebræice loquentem frustra sunt aures pulsare.* Cujus rei testis ipse Grotius est in Epistola ad Salmasium, ubi conscientiæ victus testimonio palinodiam canit, inquiens: *cum ita haec se habeant, verum tamen est Augustinum, qui Punice sciebat Hebraice nescivisse.*

MEMBRUM QUINTUM.

Lingua Hebræam à Distro liberatam, & in confusione Babylonica conservatam, de Authentia triumphare facit.

§. I.

Cum nullum amplius de ipsâ lingvâ nos vexet dubium, quippe quæ ab ipso Deo homini primo immediatè data est: de sum-

19

summâ Authentiâ, & absolutissimâ ejus perfectione nobis sermo erit. Illa vero æstimatur tum ex ipsis literis tum ex punctis ipsis subnexis. *Litteras* quod attinet, dicimus eas pari cum ipsâ linguâ antiquitate gaudere, siquidem Adamus in sanctâ integritate, & integrâ sanctitate à Deo creatus, Deum alloquenter non modo non intellexit, verum etiam ipse articulato sermone usus fuit, dum singula animalia, secundum cujusque complexionem & temperamentum proprio & adæquato insignivit nomine; quare suam certè ignorantiam prodit, qui ipsum elementa nominum ignorasse existimat, cum tamen ipsum ipsa nomina novisse in proposito sit. Num credibile, Deum artificio literarum & scriptionis primum illud aureum seculum non instruxisse? quarum tamen beneficio artium & scientiarum thesauri in totum humanum genus redundarunt. Aliud certe ostendit Joannes Boulduc à Wasmutho allegatus. *Adamus*, ait, à Deo ē Idioma ē litteras accepit, quibus scribi & legi posset, isq; deinde rursus paterna χαραγμα posteris praedit. Aliud etiam statua *Adami* in Vaticano posita suadet, cuius mentionem Schraderus facit cum inscriptione: *Literarum Inventor.* Unde tamen non mox concludere licet nos *Alphabeta*, *Adami*, *Sethi*, *Henochi* & *Cornelii Agrippæ* (quæ speciosa solum imperitorum hominum commenta) acceptare, aut nungosum illud *Dureti* delirium approbare, quo statuitur Raphaëlem Angelum, volumen istis scriptum Characteribus Proto-plasto dedisse, quod deinde Adamo ē Paradiso ob prævaricationem ejecto, furto subductum sit.

§. II. Nudas autem *litteras* tanquam imperfectum quid Adamo divinitus concessas minime admittimus, Puncta enim five vocales ipsis Characteribus coæva existere, magnorum Hebræorum applausu patet qui aperte fatentur *non esse subsistentiam aut lucem litteris ullam, nisi per lucem punctorum.* Quare etiamnum illas mulieri nude comparare sueverunt quæ in publicum pro-

dire non potest. Quid? quod literas & scriptionem Hebræani datam esse perfecto, ut perfectum, à perfecto, testatur Buxtorphius cum sane Adamus à Deo hanc lingvam ita edocitus non sit, ut sine scientia & sapientia mentis eam protulerit instar Psittacorum. Et finge, inquit D. Osiander, vocales literiarum tanguam suo corpori abfuisse, defuit anima & spiritus.

§. III. Ex hisce binis principiis constat Character ille Hebræorum quadratus, de quo Schickardus. Merubba i.e. quadrata literarum pictura, utpote sibi constans, aquabilis, facilis & in decoram linéam conformatibilis, vocis insuper formam, seu organorum dispositionem, quodammodo referens, adeoq; ipso affectu reconditam quandam majestatem præ se ferens. Et hoc ipso Hagiographus Moses, & divino instinctu moti Prophetæ sua consignarunt scripta. De quo qui dubitare velit quiq; Samaritanam literaturam ab Esdrā introductam amat, seponat affectum & sequentibus immotis rationibus attendarat.

§. IV. Primum quod ipsi offerimus argumentum in Sacra Scripturâ fundatum volumus, quod tale est : * Si cælum & terram prius transire & perire oporteat quam verbum Dei Idiomate Hebreo conscriptum, utique absurdum est dicere Esdram illud immurasse qui adhuc terricola & nudus homo fuit. At verum est antecedens, verum igitur etiam est & erit consequens, siquidem ex veris præmissis tam formæ quam materiæ ratione, vera eruitur conclusio. Porro : Quæcumque literatura literam Jod in suo Alphabeto non agnoscit minimam, illa falso jactat se viris Hagiographis inservisse in contexendo sacro Codice. Subsume jam de Samaritanâ, & res in vado erit. In ea enim litera Jod supra omnes reliquias conspici cupit.

§. V. Alterum testimonio Philologorum nititur. Sic namq; Theodorus Bibliander. Esdra nec voluit nec potuit scripturam mutare in populo Dei, qua Deus legem suis digitis exaravit. Similiter Picus Mirandula, qui se à multis doctissimis Hebræorum percunctatum scribit, de iis quæ de Hebræo & Samaritano Char-

* Matth. V. v. 18.

etere

21

Ètere disquiruntur, illos autem ornes nullam mutationem agnovisse, quin pro comperto habuisse, iisdem quibus nunc utimur in Hebraicâ literaturâ apicibus, usos esse Mosen & Patriarchas antiquos omnes. Huc redit quoq; illud Schikardi superius citati: Samaritana in respectu ad Hebræam vere est biulea, deformis, apera, operosa, exaratu difficultus, adeoq; ut ex omnibus circumstantiis appareat, factitia. Plura hac de re vid. in Vind. Wasmuthi.

§. VI. Quod verò neq; Judæi de Charactere primævo quidquam mutarint, arguit eorum obfirmata pertinacia. Potius enim sese neci dedissent, quam Characterem primigenium aliquâ ratione corrumpi & labefactari passi fuissent. Et si tale facinus perpetrassent, num Christus & Apostoli qui cetera crimina in Pharisæis & Scribis arguunt hoc crimen quod maximum erat, reticuissent? Num Christus suos auditores ad corruptas Scripturas sine certis monitis ablegasset? Et quomodo vera essent Apostoli verba Rom. 3. 2. *Judeis μὲν τὸ δεῖ λόγια concredita esse, si fuissent pessimi tanti doni dispensatores.* Quæ præterea ab adversariis nostris circa hanc thesin adduci possunt, in medio relinquere, chartarum angustia & temporis ratio jubet, præfertim cum tot celebres Viri ea omnia candidè & solide refutaverint; adeo ut de contraria sententiæ propugnatoribus id licet dicere, quod Waltonus satis temerè de Christianis Theologis: *Infirmis nituntur rationibus, quas ex præjudicatis opinionibus hauserunt, à quibus cum recedere nolint, ipsum solem in meridie lucere negant.*

SECTIO SECUNDA ΕΛΕΓΧΤΙΚΗ MEMBRUM PRIMUM

Chaldaeo-Syram jubet suā sorte contentam esse, nomen dialecti retinere, altos conceptus deprimere, & Hebreæ tanquam suæ matri debitos honores exhibere.

* Osland. in Theol. Aer: * Glass. in Phil. sacrâ. pag. 12. tb. 1. Tract. 1. de Textus. Hebr. puritate. C3

§. I.

§. I.

Abstrusissimum nunc ingredimur sententiarum labyrinthum; ex quo nosmet commode explicare sine bono duce non possumus. Quocirca ne vel in dextram vel sinistram declinemus, sed semper medium teneamus, divinam & auream nobis associamus veritatem, quæ nobis idem præstabit in hoc negotio, quod Ariadnæ filum olim Theseo Ægei Regis filio. Consideravimus hactenus, quantum quidem ingenii simplicitas & mentis tenuitas permisere, primam Hebrææ linguæ originem, servavimus eam in diluvio, teximus in confusione; pensitavimus quoq; ejus perfectionem, dignitatem & Authentiam, reliquum est ut eam à ceterarum linguarum incursionibus tueamur, quæ cum eâ de *περικλείσια* contendere satagent. Hic tot sententiarum divertia, quot capita & auctores occurunt. Stant à parte Syriacæ, R. *Juda* & *Theodoreetus* Cyri in Syria Ecclesiæ antistes, à quibus haud multum dissentit *Athanasius Kircherus* in *Oedipo Ægyptiaco*. Nam distinctionem quam adhibet inter antiquissimam linguam *dogmaticam* Hebræam in tradendis præceptis adhiberi solitam paucisque familiarem, & vernaculam sive usualem quam Syram facit, non acceptam⁹, quia hoc pacto binas primævas linguas subinfert & Spiritui sancto expressè contradicit, qui per Mosen in Genesi totam terram unius labii fuisse sanctè testatur, de quo antea. Chaldaeo Syræ vero causam agunt *Georgius Amira* Præful montis libani & *Myricæus*, quibus *Thomas Campanella* accedit, qui propterea Hebræam à Chaldaica dependere putat, quoniam Deus adhuc hodie nomine *Jehovæ* venit, quem illi suo Idiomate Jovem appellarunt. Nobiscum vero communis Iudæorum & primitivæ ecclesiæ Patrum consensus primævitatem linguæ Hebrææ unicè defert. Ne vero nobis tantum vendicare videamus ut simplici nostra affirmatione contrariæ sententiæ fautoribus satisfactum putemus, *Myricei* & *Amira* necnon eorum se-

sequacium rationes in apricum producemus, quæ, ut patebit, instar ceræ soli veritatis expositæ liquefiant, labascent.

§. II. Itaque omnium primum *Chaldaeum* populum *Hebreos* antiquiore facere tentant, & suæ assertioni stabilimentum in duobus Scripturæ locis nimirum Jeremias 5. 15. ubi Chaldæi vocantur gens à seculo *MEOLAM GOJ*, dicente *Jehova*: *ego adducturus sum contra vos gentem è longinquo ô domus Israëlis*, quæ gens antiquissima est. Et Judith. 5. 6. *Judæi à Chaldais oriundi sunt*; unde à majori ad minus tale necit argumentum. Si ipsa Chaldaica gens antiquissimam agnoscit originem, utiq. Lingua eorum antiquissima erit. At verum ex opinione eorum est prius, ergo & posteriorius. Sed utraque propositio cum sua sequela, Fallaciâ à dicto secundum quid ad dictum simpliciter, ludit. Per vocem enim *MEOLAM* Chaldais non primævitas tribuitur sed sola antiquitas, eaque non absoluta sed limitata, siquidem respectus ibidem habetur ad seculum confusionis Babylonicæ, ubi Nimrodi afflætæ mistione linguarum dispergebantur & in varias gentes dividebantur quem sensum etiam D. Lutheri versio obtinet: *Die das Erste Volk gewesen seïr.* Hoc enim si concederetur statuendum esset Chaldaeos ante Heberum extitisse quod maximâ absurditate non careret, quoniam Heber γλωτσουχίσει non interfuit ut in membro tertio etiam monuimus. Oportuit quippe verbum Dei in præstantissima lingua servari, quæ ejus erat. Et *OLAM* non notat absolutam æternitatem, nam alias ab æterno ante mundum fuissent, sed antiquitatem genti ita convenientem ut nihil majori decedat. Quod vero dictum Judith concernit, concedimus Hebraeos dici posse Chaldaorum progenitos, qui habitatione & incolatu non autem Idiomate & religione Chaldæi erant. Hebraeos namque & Chaldaeos, semet non intellexisse confirmat Hieronymus hisce verbis. *Qui mihi videbar seniculus inter Hebraeos cœpi rursus discipulus esse Chaldaicus.* & ut verum fatear usq. in presentem diem magis possum Chaldaum.

um sermonem legere & intelligere quam sonare. Posito autem quod historia Judith hoc affirmaret, nos tamen nostrum assertum non mutaremus, quum Apocryphum hunc librum ex mente Theologorum in non nullis laborare probè sciamus.*

§. II. Deinde Heberum & Abrahamum à Chaldaeis prognatos & educatos, eorum moribus imbutos & communi cum iis idiomate loquutos volunt, verum mera sonant verba nihil habent probationis. Chaldaeū etenim non ab Arphacsd Eberi parente, sed à filio Nahoris ** derivantur; facilius enim à CHASCHADH quam ab ARPHACSADH formatur CASCHDIIM, neque Abrahamus Chaldaeo patre natus erat nam in cap. XI, 28. unde tale quid inferri posset, προληψις tantum Historica est. De cetero quamvis largiamur Chaldaeam linguam in ur tempore Abrahami floruisse & Abrahamum ea ipsa animi sensa protulisse, non tamen dabimus eam ipsi maternam fuisse. *Dubius igitur linguis usus est ut recte Myricans,* quod sane mirum non est. Hebræam enim cum lacte materno imbiberat; Chaldaeam autem usu & exercitatione sibi familiarem reddidit. Cujus rei hodienum infinita prostant exempla: Nam numero plures non solum binis, sed ternis, quaternis vel pluribus linguis luxuriare experientia expresse docet.

§. III. Præterea Chaldaicam simpliciorem contendunt & propteræ eandem Hebræā antiquiorem faciunt. Vacillat autem hic antecedens cum consequente. Canonem Metaphysicum equidem admittimus, *** quod scilicet simplex natura sit prius composito, sed eo tantum, ex quo illud simplex constat, non omni; nec refragamur absolutè simplicissimum antiquissimum esse, quale simplex Deus est, verum concedere illud esse antiquius quod certo genere simplicius existit, animus non est. Quis vero Chaldaēam Hebræā simpliciorem sta-

tuat,

*D.Osiand.in Th. Acr.**Gen.22,22.***Metaph. From. c. de simp. & comp.

tuat, quum hæc ubiq; illi primatum facile præripiat, sive numerum literarum, sive grammaticam analogiam spectet.

§. IV. Porro necessario sequi affirmant, *primum Adamum* eadem linguâ usum cum *secundo Adamo*; jam cum Christus qui secundus Adam est & nominatur, Syriacè sit loquutus, colligunt inde quoque *primo Adamo* eandem linguam competere. Sed apage istas nugas, nimis late etenim hæcce extenduntur. Quæ quæsio consequentia? *secundus Adam* Est filius Josephi & Mariæ, E. & *primus*; est Deus & homo E. & *primus*; natus est tempore Herodis E. & *primus*; baptizatus est in jordanè à Iohanne E. & *primus*. Contradicunt propriæ conscientiæ, cum ipsos nescire minime sperem comparata ultra comparationis tertium non esse extendenda.

MEMBRUM SECUNDUM.

Silentium ipsis imponit, qui absq; fundamento pro antiquitate Abyssine lingue pugnare desiderant.

§. I.

Linguæ Ägyptiacæ propensi Patroni suo satis verificant exemplo, plurima ingenia in re maximè incertâ certissima esse, illi enim argutè prorsus verba dare & inanes fumos venderentur, dum suæ linguæ antiquitatem, à primo homine & primâ creatione revocare annituntur: cum tamen in re nullum habeant fundamentum, verum postquam omnes sententias in medium protulerunt, adhucdum de earum probatione & certitudine sibi prospicere necessum habent. Iisdem cum Maronitis & Myricæo pugnant rationum telis, cum suum idioma Chaldaicum velint, fatente Clar. *Victorio Reatino*: eodem etiam à nobis excipiuntur clypeo, quo reliquorum sophismata exceptimus. Statuunt suam linguam à Chaldaicâ descendere, & tamen rationem reddere non possunt quæ ejus appellationis causa sit. Ut vero suæ positioni colorem inducant, dicunt se ex sanguine & prosapia Israëlitarum & quidem de Masquedâ Reginâ Sabæâ.

primum ortum petere, quæ cum Salomone consuecens, grāvida facta & filium enixa est, quem sequens Regia Āethiopum proles, pro primo reputavit parente. Perinde nobis fuerit, quidquid pro linguae suæ originatione afferant, dicimus tamen cum Job. Potkenio in psalt. Āethiop. eorum linguam purum redolere Chaldaismum: & relinquimus illis suam jactantiam, quippe quæ nullius efficaciam est, & minus nihilo obtinet.

MEMBRUM TERTIUM

Grajorum linguam intra suos detinet cancellas ne supra Hebræam se efferat.

§. I.

Magnam fatemur esse linguae Græcæ dignitatem, majorem antiquitatem, sed linguae Hebræâ multis modis inferiorem. Si ad ἄρχην primævæ ascendere tentat frustratur spe, & irritus redditur ejus labor. Suscepit aliquando ejus provinciam Ibn Patrick defendendam, & primam eam facile obtinuisse si modo altiori incessisset cothurno & firmioribus sese stipasset rationibus. Verum nitebatur & adhucdum nititur opinione vulgi quæ semper vacillat. Hottingerus eum ita loquutum testatur: *Fuit autem hominum tunc lingua una & sermo unus; quidam hunc volunt fuisse Syriacum, alii Græcum, quæ sententia mihi videtur verior; quia lingua Græca sapientiae, amplitudinis & latitudinis majus obtinet nomen.* Sed fallit & fallitur noster Ibn Patrick: si enim de amplitudine & latitudine sermo sit, Arabica illas sibi meliori jure vendicat, & si exinde prioritas æstimanda, certè Arabica multo antiquior erit.

MEMBRUM QUARTUM

In linguam Belgicam justissimo invehitur Zelo, quæ adhucdum Cristas tollere sustinet & de primogenitura cum Hebræâ certare non vereatur, utut priores gravem repulsam tulisse sciat.

§. I.

Non desunt qui pro aliis linguis præsertim Belgicâ sese exponunt, parum solliciti quâ ratione quove jure id fiat, inter

ter quos *Goropius Becanus* tanquam Primas eminet. Primævam eam exinde judicat, quod vocabula in aliis linguis obvia ad illam reduci commode posse putet. Ut vero yoti sui compos fiat, voces quasdam adfert easque ad Cimbricam applicare conatur: utpote BEHEMOTH ipsi dicitur *Been*, hoc i.e. pecudum caput. CATHABH per transpositionem, epentesin & paragogē boof-teckn i.e. librum signare. Verumenimvero nondum probavit quæ dixit: quis enim tam vesanus, ut omnes voces ad *Cimbricam* reduci posse existimet. Vocabū in eā communio cum aliis linguis non mox eam antiquissimam adstruit. Hac quippe ratione plures linguæ aliæ antiquitatis palmam obtinerent. Nam ne unam fere linguam mihi dabis, in quâ non quædam voces cum latinâ convenient: non est quod Europæos nominem (de iis enim nullum dubium) ex Orientalibus pauca sistimus. *Grænlandica* Igne, Nau, redduntur Latinè Ignis, navis. *Heb.* MASACH & SARA cum Lat. misceo, sero. *Arab.* MITHA & TZALATH cum. Lat. meta, saltus. *Persic.* Pader, Mader. Lat. Pater Mater. *Turc.* Pars Lat. Pardus. *Aethiop.* yska, yndykction Lat. usq;, indictio. *Egypt.* κέρες. L. Centurio. *Armen.* Tu, Lat. Tu &c. & plura alia quæ hic cumulare superse-demus. Cum autem Hebræa in omnibus fere linguis sua reliquerit vestigia, sola de primævitatem gloriatur, quod ipsum quoque probat *Hottingerus*, qui præcipuas Orientales linguas successu haud infelici inter se contulit. Quam igitur ob rem temperare nobis non possumus quin ejus argumentum invertamus & ipsum proprio, quod ajunt, gladio jugulemus.

S. II. Sed eccè ex sua lingua simplicitatem quandam & copiam promit, quæ ejus sententiæ infirmitatem sublevabunt, verum destituunt eas fulera, quo circa vel levi halitu ruunt. Nos enim simplicitati Belgicæ solam Sinicam opponimus, quæ tamen ideo nihil minus quam antiquissima est. Penuriam vero Hebrææ ex copiâ Cimbricæ mensurare & metiri nec

æquum nec pium, ea namque tribuenda incuria hominum & injuriis seculorum, in quibus magnam partem suarum vocum perdidit. Largissima quippe mater fuit, & filiabus eas concedidit voces quibus jam ipsamet destituitur. Omnes enim linguae quoque etiam veniant nomine post γλωττού χυστή matris suæ primigeniæ Hebrææ pennis luxuriant.

§.III. Ad ultima denique & angustias redactus noster Becanus cum sequacibus, priusquam plane occumbat, & nobis victoribus vicit tradat manus, desperabundus modum scribendi Hebræum carpit, & Hebræos non aliter facere ait, ac si quis aliquem templo exeuntem, quasi intrantem pingeret. Sed non est quod ipsum responso dignemur, sufficit nobis modus scribendi ipsius Dei, qui nobis semper Sacer & Sanctus erit, quamdiu in hac versamur mortalitate & spiritus artus nostros rexerit.

Concludimus igitur hisce verbis tanquam axiomate quodam certissimo. Una est linguarum omnium *primæva*; Una *antiquissima*; una *simplicissima*; una *significantissima*; una *constans*; una *dignissima*; una denique *saintissima*, Sola Hebræa. Quæ ab ipso Deo orta, cum primo homine incipit; in Patriarchis servatur; cum posteris propagatur; in scripturis fulget & in cœlis sola fortassis perennat.

SECTIO ZHTHTIKÆ.

QUÆST. I.

An homo, si nulla lingua ipsi nota esset, Hebraice loqui posset? Neg.
Si primi hominis, in statu integritatis, loquendi peritiam nobis ob oculos ponamus, videtur verò haud absimile, hominem insita quadam promptitudine ad Hebræum idioma pronū fuisse atque proclivem, quum ipse Adamus mox postquam lucem hanc vidi mundanam, & Deum Hebraice loquentem intellexit, & nomina origine Hebræa animalibus imponere adeo perfecte noverat; id quod nequaquam potuisset, si Hebræam consuetu-

suetudine & exercitio adquirere necessum habuisset. Nam haud-
quaquam diu in orbe versatus erat, anteqvam ipsum ipse
Deus primum alloqueretur, ubi tamen ad linguæ adquisitio-
nem menses aliquot ad minimum ipsi concedendi essent. Sed
fuit hoc supernaturale & extraordinarium quid, à Deo homi-
ni primo præter naturam infusum & instillatum, quod in eo-
rum liberis & progenitis videre ad oculum est, quippe qui
per nudam adquisitionem & exercitationem (ut hujus ævi in-
fantes) & non per propagationem, illam à parentibus acce-
perunt & didicerunt. Hodie homo naturaliter si loqueretur,
inarticulato socios allatraret garritu. Et si concederetur, in-
fantes ab aliorum consortio remotos novam & inusitatam sibi
confabricari posse linguam, esset ea quidem omnibus incogni-
ta, non autem propterea Hebræa, cum neminem Hebraice lo-
quutum audivissent, quæ tamen ut aliæ linguæ ex solo auditu
addiscitur. Voces quasdam Hebraismum redolentes suo ser-
moni immixtas proferre possent, sed hoc minime per se sed
solum per accidens illis tribuendum esset. Et si Hebræa na-
turalis esset, sane tanta cum molestia mortales hodierni, lin-
guarum orientalium notitiam non assequerentur. Adde quod
similiter concedenda esset surdis, quod tamen tam absurdum,
ac auditum ipsis tribuere.

QUEST. II.

*Quum proprium hominis sit, loqui, quæ statuenda erit ejus naturalis
lingua? Nulla.*

LOQUELAM homini naturalem esse, tantum abest ut nege-
mus, ut potius illud ambabus, quod ajunt, largiamur ma-
nibus, & tamen linguam nullam sive Hebræam sive aliam na-
turem facimus. Contendebant olim inter se *Ægyptii &*
Pbryges, quænam lingua naturali instinctu ex animâ flueret;
& ut lis hæc dirimeretur duos exposuerunt infantes in angu-
lo plane addito & secreto, addito mandato, ne quisquam uni-

cum verbū cum illis loqueretur, ut constaret eorum linguam primāvā esse ex qua infantes primā vocē desumerent. Quid sit post biennium clamare magna voce ceperunt *beccos* quod *Pbrygīs* panem significat. Unde moti *Ægyptii Pbrygūm* linguam proclamārunt antiquissimam. Similis in *Epistolis patrum* de Rege *Magor* historia exstat: Qui triginta infantes loco solitario includi curaverat & juxta custodibus in mandatis dederat ab omni sermocinatione abstinere, ut experiretur quoniam, infantes hi, sibi relicti, idiomate fari occiperent, & ut illius gentis religionem amplecteretur, cuius linguam imitarentur infantes. Ast cum oleum & operam se perdidisse videret, & nemo horum distinctam vocem ederet: Epicureismo & Atheismo sese dedisse dicitur. Nulla proinde homini connascitur lingua, quia omnis longo usu & exercitatione addiscitur.

QUÆST. III.

An Beati in eternâ vitâ articulato sermone usuri erunt? Aff.

Inter infinita cetera ex quibus hominum in hac vitâ, præ reliquis creaturis æstimatur dignitas, consideratur perfectio, minimum sane non est linguâ & sermone uti; hac enim destituti, si vel auro scateant, vel thesauris turgeant, vel opibus stagnent, ut umbræ & larvæ inter reliquos oberrant mortales. Nam cui fuisset usui vel ipsi Adamo, quamvis in summâ perfectione constituto, scientia absolutissima, si animi sensa proferre non potuisset? Quid ipsi arbitrii libertas profuisset si sermone caruisset? Certe ratio & loquela unicum ostendebant discrimen quo à brutis distinguebatur, unâ igitur harum dempta, quanta quælo ejus præ illis fuisset prærogativa? exigua profecto vel plane nulla. Quod ipsum cum optimè præviderit Deus linguam & loquelam ipsi communicavit. Idq; non solum eum in finem ut ille solum cum suis posteris de tanto sibi gauderet dono, verum etiam, ut olim in cœlis postquam mundus esse desineret ex iis ejus laudes resultarent. Quæ commodius insti-

institui & celebrari non possunt, quam externo & articulato sermone. Induci enim non possumus ut credamus beatos Deum laudaturos nudâ, capitis, manuum, pedum aliorumve membrorum motitatione, quia cum ipse Deus de minimis infantulis dicat, *se ex eorum ore laudes sibi preparasse*, qui tamen adhuc in hac infirmitate degunt, quanto magis in æternâ vitâ hoc admittendum, ubi omnes glorificati ab omni imperfectione liberabimur. Et quomodo beati alii aliis suos indicabunt conceptus; num annuendo saltem? vel digitis monstrando? vel caput motitando? vel pedibus pulsando? minime gentium: hoc enim esset eos imperfectiones facere quam his in terris fuerunt, mutis enim competit suam voluntatem indicare & desideria ostendere istis modis; Beatis autem tribuitur perfectissimus sermo, qui articulatus est.

Quæst. IV.

An lingua Hebreâ loquuturi sint cœlicolæ. Aff.

Evicto quod gloriâ æternâ receptis sermo competit, ostendere quodammodo operæ pretium erit, quisnam ille futurus sit & quoniam nomine veniet. Arduum quidem est in his & similibus certi quid statuere, conjecturas nihilominus haud contemnendas & cum ratione conjunctas afferre placet. In diversâ sententiâ nonnulli sunt, qui novam quandam angelicam, cessantibus linguis in mundo usitatis, proponi & à beatis usurpari existimant. Et quoniam Paulus verba *ἀπῆγε* audiverit, nec non affirmet eam angelicam dici, & nos *ἰούγέλας* futuros, videtur inde sequi linguam vitæ æternæ ignotam & *ἀράνυμον* esse. Quo minus vero cum illis hac in parte faciamus, vetant sequentes rationes. Removemus equidem in gratiam illorum omnes, à confusione linguarum, ortas linguas, quippe quæ propter peccatum hominibus immisæ & in pœnam

nam datæ. Hebræam vero illis adsignamus, quæ nullâ labe
 contaminata; à peccato plane immunis; communis pœnæ
 non particeps; omnium perfectissima; omnium prima; à
 Deo creata; Adamo infusa & statui perfectissimo, qui in cœ-
 lis erit, maxime conveniens est. Hac ipsâ Deus ipse Ada-
 mum & Patriarchas aliosq; tam ante quam post diluvium, nec non
 sanctos viros omnes, prophetasq; singulos, paternè, amicè
 & quasi ore ad os alloquitus est, suumq; verbum eâ ipsâ ex-
 hibuit & consignavit, quod in omnes æternitates non peribit.
 Quid? siquidem Hebræa in Paradiſo terrestri viguit, itaq; in
 cœlesti quoque Paradiſo per consequentiam sola vigebit, flore-
 bit, perennabit. Quæ ergo necessitas nos coget angelicam
 illam novam ab hac diversam facere: non enim credibile, an-
 gelos præstantiori lingua usuros, quam ipse Deus (qui omni-
 um auctor) usus fuit. Poterunt quoque verba quæ Paulus
 audivit raptus in tertium cœlum, esse vel fuisse ἄρρητα, voces
 autem & lingua quibus proferebantur, nihilominus Hebræa
 fuisse. Ιούνιοι etiam erimus non solum communi linguae usu,
 verum etiam, splendore, dignitate, innocentia, sanctitate, perfectione,
 claritate & felicitate. Ita autem hæc non attulimus ut cuiquam nostram sententiam obtrudamus, nec ani-
 mus est asseveratione quemquam in nostras partes trahere,
 aut DRUSII formulâ alicui fidem facere, qui dicere solitus erat in
 re etiam maximè incerta: *Hæc mea conjectura est, quam puto ve-
 ram esse, & ita opto Deum animæ meæ propitium.* Multo quippe,
 inferiores sumus quam ut quemquam nostra stringat senten-
 tia. Certiores certè hac de re erimus, postquam ad æterna
 & splendida cœlestis vitæ translati fuerimus gaudia & palatia,
 ubi animâ & corpore glorificato & ab omni imperfectione,
 mundanâ liberato Deum sine fine & satietate intuebimur &
 laudabimus.

1.

Moses non fuit cornutus, sed fax Majestatis divinæ faciem ejus perstrin-
gens, radios emisit & vibravit in similitudinem cornuum: somni-
um & insaniam vulgi est sentire, uxorem ejus fuisse mœcham & eum pro-
pterea cornutum magis nomine quam re ipsa fuisse.

2.

Methodus disputandi Syllogistica, optima, compendiofissima & u-
tilissima est; ex generali vero dissertatione, & magno verborum æstu, nec
disputantes, nec attendentes meliores redduntur; nam oritur inde ingens
confusio & tantum utilitatis ex tali discursu singulis manet, quantum a-
quæ ei qui eam cribro excipit. De meritis sophismatibus & pruritu quo-
rundam in cumulandis infinitis distinctionibus & subdistinctionum distinc-
tionibus nobis sermo non est. Fateatur eorum cerebrum quot pugnas
& prælia condat.

3.

Quid seorsum ulterius urget, postquam alter ipsi non solum solidè fa-
tis fecit, verum etiam ad oculum suæ sententiae sanæ evidentiam monstravit,
non boni philosophi, sed potius morosophi, pertinacis, protervi & paulu-
lum insanientis nomen jure æquissimo meretur.

Plura nec voluit, nec valuit, de nobili hoc nobilissimæ lin-
guæ argumento, exigui mei ingenii & infirmæ rationis
judicium, meditari. Veritatem ubique quidem anxiè secta-
tus sum, quæ falli nec vult, nec solet, nec potest: & ab e-
jus tramite ne hilum discedere mens fuit, num vero eam
assequutus fuerim, sentient cordati & judicabunt eruditi.
Ex debito omnia polire & ex asse limare utut voluerim,
non potui, nec quempiam à me id exspectare mihi perspe-
ctum habeo; neminem quippe latere debet literas & do-

eternam suas etiam apud me habere aetates, qui vix adhuc adolescentiae annos attigi. Nec sensuum acies in hac spinosa materia cuncta facilè pervadere aut rimari potest. Quæ intellecti, dico cum Socrate, bona sunt, credo & quæ non intellecti. Scripsi haec solummodo ut memet exercearem, ne forte ingenium, instar ferri nunquam triti, rubigine consumeretur, aut musco, instar lapidis nunquam voluti, obduceretur; Itaque illius, qui æquitatem in censendo attulerit, primum & benignum de dictis scriptisque me spero habiturum judicium. De cetero, cum omnia Divini nominis invocatione susceperim; omnia ad ejus laudes & gloriam direxerim; omnia quoque ope ejus absolverim, ingemincare hic pietas jubet.

Feci quod potui, potui quod Christe dedisti;

Improba fac melius, si potes, invidia.

Si male quid dictum est, hominem dixisse memento:

Si bene quid dixi, gloria Christe Tua est.



In
DISCURSUM

LITERATISSIMI JUVENIS

Dn. PETRI P. von HUSUM.

HE lingua prima cum differis ore diserto
Dum sellam doctum scandis & ipse nitens;
Elogiis dignis Te tollit culta Minerva,
Cultorem gnavum lata foyetq; sinu.

*Magis animo quam verbis ex tempore
sic cecinit*

SIMON EGGLESTON.

AD
Politissimum tam literis, quam moribus & praeclaræ spei
JUVENEM.

Dn. PETRUM P. von HUSUM/
Egregiæ hujus Dissertationis Auctorem, Amicum
meum singulariter honorandum.

Per omnium seculorum memorias, hunc usq; in diem a-
pud singulas politioris note gentes, quas virtutis ardor
& sapientiae fama gloriofissimas fecit; sicut solenne fuit
propoosis ac splendidis encorniorum titulis magnorum
prosequi ingeniorum industrias, ita è contrario nullâ honesta-
tis, nullâ morum, nullâq; eruditio[n]is gloriâ conspicuos, fasti-
diendi ac contumelios afficiendi, de: antandus invaluit mos: quod
etiam

etiam aequitati maxime congruit. Hi quippe omnium generum vitiis dediti, nec sibi nec aliis prodeesse posse, ob notabilem eorum fulcimentorum carentiam, quibus tanta structura moles inniti deberet. A quorum nefando consortio planè abhorret Literatissimus Dn. PETRUS von Husum, dum familia sue egregiae nitorem, accessione novi quasi luminis, quod industria singularis, propriag, de se spargit mentis claritas, illustrare satagit; prout specimina cum publica cum privata, cunctis heic norissima, id dilucide demonstrant: quibus & hoc illustre praesens exercitium Academicum, De INTERPRETE ORACULORUM DEI, examini sincerè Philosophantium destinatum, adjecit: Ex quo argumento utpote arduo ac difficultatum spiritus undiquag, consilio, imò plurima ambitu suo comprehendente, facile colligitur, quanto ingenii acumine ac judicis floreat vigore; quaneos disciplinarum selegerit fructus; que omnia non solum metet, verum omnes equiores hujus rei estimatores, in amorem sui rapiunt. Ceterum si in discursu hujus descenderem laudes, vel si hanc materiam vividioribus depingerem coloribus, & ampliori verborum eam deducerem ornatu (dum satis eruditè ac laudabiliter hac singula cum expedivisse scio) nil sanè, nisi attulim agerem. Quid? quod nec instituti mei id nunc fert ratio, neq; tempus Gotium, quibus jam destituor in ejusmodi spatio sum campum memet excurrere permittunt. Hisce itaq; missis, ad Te, Amicorum conjunctissime, optimis imbutum studijs ac summâ modestie laude prestantem regressum facio; Tibi egregias animi tui dores, optimè exultas, adeoq; parentibus servio jam confectis, ingens solamen, amicū vero intimo familiaritatū vinculo tibi depinctis, haud leve gaudium adferentes impensis gratulando. Perge mi PETRE properò, quo capisci modo, quem optimam de te conceptam quotidie magis magisque augere, ut premia laboribus ac vigiliis condigna tuis, infra breve consequaris; & tandem binc demigraturus, omnibus hisce mundanis vanitatibus relictis, summa felicitatis portum attingas. Id ex intimis cordis mei visceribus, devota ad supremum Numen suspiria perpetuò mitemendo, contendam; Vale.

Aboæ d. 15. Maii

Anno 1689.

Occupatissimus scripsit,

E. A. L.

Pereximie DN. PETRE von Husum
Amice dilectissime.

Uli senecæ, is & mihi veras cumulare videtur divicias, qui sci-
licet animum, sacrum intra nos spiritum, artibus ingenuis
cum delicatori virtutum comitatu replere conatur, quique
laurum auro, qui famam post funera virentem vanitati anteponit.
Quæ n. mundi opes ab interitu tutæ? quæ dignitas, quam fides
non possunt comitari? quid regnum, cui non parata ruina? sola
doctrina àra Phœiper®, sola virtus, animæ pabulum, effectuum re-
pagulum, immortalis est & æterna. Hæc Genius est in Tabula Cebe-
tis plurimis decantatus, ad honoris callem, ad veræ dignitatis ap-
cem perducens. O verè felices & sapientes Adolescentes, qui talia
perpendentes in juventute parant, queis senes utantur, fruantur:
contrà misera & cæca ista sunt ingenia, quæ ceream negligentes
adolescentiam, studiorum tantisper suspendunt telam, dum vel ad-
moveantur officiis, vel deficiente vigore, indoleq; labilente natu-
ræ, vivere demum incipient. Quo fieri potest facile, ut ingemiscant
eruditorum collegia, plangant Jureconsultorum Synedria, plorent
etiam Ecclesia, si inscitia tumidi aliis regendis, aliis informan-
dis præponantur, qui nec vitæ tenere modum nec quid sit alios do-
cere, didicere. Illa verò reclissima ad immortalitatem dicit via,
quæ neglectis, quæ improbitati magis quam honestati inserviunt o-
pibus, veram spirat pietatem, veram doctrinam. Ut enim Naucle-
rus manus gubernaculo, oculos admovet coelo; sic labor cum Pi-
estate conjunctus nunquam erit irritus, nunquam inanis. Quam
sineceram pietatem, quem indefessum laborem, quem etiam in stu-
diis ardorem Tuum insignem Pereximie Dn. von Husum abs eo,
quo studia conferre cœpimus, nec potui satis admirari, nec pos-
sum satis laudare, ast omnibus phaleris rejectis verborum (ut af-
sentationis effugiam notam) ingenii Tui dotes laudare illis, queis de
ingeniis judicare datum est, relinquo. Quarum specimen non-
vulgare nunc reliquisti. Si enim argumentum respicio, est sanè nobis-
simum; si stylum, purissimum; si elaborationem, quantum vide-
re possum, Methodica. Verbo. Sine aureo ramo ad campos Elysios
per inferorum flumina Patrem consulturus pervenire non potuit

Trojus Aeneas, Teste Marone: En! invenit monstrante columba, ivit,
rediit salvus. Tu aureum reperisti ramum, ad campos non Elysios,
sed coelestes, non Anchisen, sed cœlorū Patrem consulere jam potes, Te
nec sœva terrebunt flumina, nec ulla in persecutādis S. Scripturæ do-
gmatibus obstabit remora. Magde, hoc ardore, hâc indefessa diligentia,
& reverteris ad parentes, tali filio dignos, gratissimus filius. Felix
pater, qui in filio vivit, felicior filius, qui patrem pium & bo-
num repræsentat. *I Bone, quo Tua Te virtus ducit, I pedefausto.*
Confer hoc pacto ingenio Tuo honorem, studiis decus, nomini fa-
mam. Deus studiis porro Tuis pondus addat & gratiam, quo in
Dei gloriam, Ecclesiæ commodum, Parentum solatium, Propri-
umq; decus succrescant, Vale! Sic Pectore toto gratulabundus
vovet.,

Tibi studio & amore devinclissimus

PETRUS LINSTORPHIUS

Wex. Smol.

 Vando scripta Sapientum pervolvimus,
in horto quodam amœnissimo, perve-
nustis distincto flosculis deambulare vi-
demur. Sententiis abundant perplurimis, quæ nos
in maximam sui rapiunt admirationem; res multas
easq; sublimes summo artificio paucissimis verbis
includunt. Ex eorundem flosculorum genere, ex-
clamationem hanc Isocratis esse, non dubito, dum
alicubi in hæc prorumpit verba: Σοφία μόνη τῶν
πηγάτων ἀδέσποτη; quid qvæso unquam melius ab ho-
mine Ethnico dictum expectes? qui licet summum
Deum, omnis boni auctorem, ignorabat, sapien-
tiam tamen immortale hominis bonum esse, abun-
de ipsum quotidiana docuit experientia. Cum e-
nim omnia mortalium in hac infirmitate variis sint
expo-

exposita periculis, & nihil detur, vel in rerum naturâ existat quod à corruptione & interitu sit immune; sapientia utiq; quæ immortales nos reddit tum precibus, tum diligentia & labore est adquirenda. Vera enim sapientia non homini, sed Deo sapientiæ fonti æterno, suam debet originem, unde æterni quoq; fructus sua sponte emanant. Non piguit Te, Præstantissime Dn. RESPONDENS, sapientiæ, utut rei arduæ, omnem tuam collocare operam, cujus qvemadmodum jam expertus dulcedinem, in eruditionem non aspernabilem accrevisti ita quoq; ad ejus culmen summo niſu contendas. Quapropter jure meritoq; egregiis Tuis, in hoc studiorum generè profectibus ex animo gratulor. Et cum amicitia mihi sis conjunctissimus, in laudes Tuas, quâ eruditionem, quâ vitæ integritatem, quâ candorem animi, prolixius excurrere super vacanum existimo, quod ex abundantí, Dislertatio hæc proprio marte abs Te concinnata, testatur. Proinde quod mei est officii, summum illud Numen devotus veneror, velit conatibus Tuis ex alto bencidere, quo tandem cedant in Divini Nominis gloriam , Optimorum Parentum ingens solatium, langvine junctorum & Amicorum gaudium, Tui quoq; laudem nunquam intermorituram.

Quod prelixiō adfectu quam verborum adparatu fin-
cerè vovet

JOHANNES J. FALANDER
O - Botha.

Pereximie DN. PETRE VON HUSUM.

Te studiis semper tua dissertatio docta,
Invigilasse probat, quæ manibus teritur:
Ingenii vires declaras, atq; salubres
Nunc aperis fontes dogmata sacra Dei
Solventes, hinc ampla manet tua gloria semper
Constans si in Musis pergere rite voles.
Ac demum pietas, virtus, tua tempora cingent,
Proq; labore tuo præmia digna dabunt.

In veræ amicitiae tesseram reliquit

ERICUS E. FALANDER, Junior.

Vere novo agrestis terram proscindit aratro,
Firmam spemque gerit se fructus carpere posse;
Nec spe frustratur pergratâ, tempore tristi,
Quò lætas segetes lætus comportat in antrum.
Haud aliter fructus, teneris quæruntur in annis,
Qvod tu perpendis, doctissime PETRE VON HUSUM
Agros ingenii colis, hinc demum optima carpes.
Semina, quæ nullo rerum tolluntur in ævo.

Sic tenui crenâ amico suo integerrimo gratulatur.

SAMUEL E. FALANDER.

